

The Electronic *Manipulus florum*  
[www.manipulusflorum.com](http://www.manipulusflorum.com)

Contemplacio ad  
cum fonte primo

Ille contemplatiuus facultatibus suis  
in usus pauperum distributis  
simul expoliauit mundo  
et totis uiribus adheret celo.  
Res mundi mundo proiecit  
et se ipsum Christo deuota mente restituit.

Prosper ibidem (libro I. de uita contemplatiua).

Iste suscipiendo peregrinum, vestiendo nudum,  
gubernando subjectum, redimendo captivum,  
tuendo violenter oppressum,  
jugiter se ab omnibus iniquitatibus suis emaculat,  
et vitam suam bonorum operum fructibus ditat;  
ille facultatibus suis  
in usus pauperum distributis,  
simul se expoliavit mundo,  
et admovit se totis uiribus coelo;  
res mundi mundo projecit,  
et se ipsum deuota mente Christo restituit,  
a quo immortales diuitias sibi dari orat, ut pauper;  
protegi se quotidie postulat, ut infirmus;  
immortalitatis indumento vestiri cupit, ut nudus;  
defendi se ab impugnatione invisibilium hostium  
supplicat, ut fragilitate carnis oppressus,  
et coelestem sibi donari patriam desiderat,  
ut peregrinus.

Iulianus Pomerius, *De uita contemplatiua*, 1.12.1  
(PL 59, col.428B-C).